

custódiant te in ómnibus viis tuis.

V. Dómine exáudi oratióem meam. **R.** Et clamor meus ad te véniat.

V. Dóminus vobíscum. **R.** Et cum spírítu tuo.

Orémus.

Oratio.

DEus, qui filios Israel per maris médium sicco vestígio ire fecisti, quique tribus Magis iter ad te stella duce pandísti: tríbue nobis quæsumus iter próspere, tempúsque tranqúillum: ut Angelo tuo sancto cómite, ad eum quo pérgimus locum, ac demum ad ætérnæ salútis portum pervenire feliciter valeamus.

DEus, qui Abraham púerum tuum de Ur Chaldæórum edúctum per omnes suæ peregrinatónis vias illæsum custodísti: quæsumus, ut nos fámulos tuos custodire dignéris: estó nobis Dómine in procinctu suffrágium, in via solátium, in æstu umbráculum, in plúvia et frígore tegumén-

tum, in lassitúdine vehículum, in adversitaté præsidium, in lúbrico báculo, in naufrágio portus: ut te duce, quo téndimus, próspere perveniámus, et demum incólumes ad própria redeámus.


ADesto, quæsumus Dómine, supplicatióibus nostris: et viam famulórum tuórum in salútis tuæ prosperitaté dispóne: ut inter omnes viæ et vitæ hujus varietátes tuo semper protegámur auxilió.

PRæsta, quæsumus Omnípotens Deus, ut familia tua per viam salútis incédât, et beáti Joánis præcursóris hortaménta sectándo, ad eum quem prædixit, secúra pervéniat, Dóminum nostrum Jesum Christum Filium tuum. Qui tecum vivit et regnat in unitáte Spírítus sancti Deus: per ómnia sæcula sæculórum.

R. Amen.

V. Procedámus in pace.

R. In nómine Dómini. Amen.



Officia votiva per Annum.

Officia hæc votiva per Annum ritu semiduplici pro singulis Hebdomadæ Feriis a summo Pontifice LEONE XIII. per decretum URBIS ET ORBIS Sacrorum Rituum Congregationis die 5. Julii 1883. generali indulto concessa, persolvi possunt, juxta idem indultum, loco Officiorum ferialium occurrentium, quocumque Anni tempore, exceptis Feria quarta Cinerum, Feriis totius temporis Passionis, ac sacri Adventus a die 17. ad 24. Decembris inclusive. Habent juxta Rubricas prout alia Festa semiduplicia novem Lectionum, tum Commemorationes Feriæ et Festi simplicis occurrentis, tum nonam Lectionem de Homilia super Evangelium ejusdem Feriæ, aut de Sancto. Adduntur Commemorationes communes, seu Suffragia Sanctorum ut in Psalterio, si faciendæ sint, omissa Commemoratione ejus, de quo fit Officium votivum. Si die præcedenti aut sequenti occurrat Officium aliud quodcumque novem Lectionum, Vesperæ Officii votivi currentis ordinandæ erunt juxta Rubricam de *Concurrentia Officii*.

PRO FERIA II.

De sanctis Angelis.

Semiduplex.

In ij. Vesperis Dominicæ Commemoratio SS. Angelorum.

Añã. Omnes sunt administratórii spírítus in

ministérium missi propter eos, qui hereditatém capiunt salútis.

V. In conspéctu Angelórum psallam tibi Deus meus. **R.** Adorábo ad templum sanctum tuum, et confitébor nómini tuo.

Oratio.

DEus, qui miro ordine Angelorum ministeria, hominumque dispensas : concede propitius, ut a quibus tibi ministrantibus in cælo semper assistitur, ab his in terra vita nostra muniatur. Per Dóminum.

AD MATUTINUM.

Invitat. Regem Angelorum Dóminum, * Veníte adorémus.

Ps. Veníte, exultémus. 2.

Hymnus.

TE splendor, et virtus Patris,
Te vita, Jesu, cordium,
Ab ore qui pendent tuo,
Laudámus inter Angelos.
Tibi mille densa millium
Ducum coróna militat :
Sed explicat victor crucem
Míchael salutis signifer.
Dracónis hic dirum caput
In ima pellit tartara,
Ducémque cum rebellibus
Cœlesti ab arce fúlminat.
Contra duce[m] supérbie
Sequámur hunc nos Príncipem,
Ut detur ex Agni Throno
Nobis coróna glóriæ.
Patri, simúlque Fílio,
Tibique sancte Spíritus,

Sicut fuit, sit júgiter
Sæclum per omne glória.
Amen.

In I. Nocturno.

Añã. Multa magnália.

Psalmus viij.

Domine Dóminus noster, * quam admirabile est nomen tuum in univêrsa terra!

Quóniam eleváta est magnificentia tua, * super cœlos.

Ex ore infántium et lacténtium perfecisti laudem propter inimicos tuos, * ut destruas inimicum et ultórem.

Quóniam vidébo cœlos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univêrsas : insuper et pécora campi.

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirabile est nomen tuum in univêrsa terra!

Añã. Multa magnália de Michaéle Archángelo, qui fortis in prælio fecit victóriam.

Añã. Gábriel Archángelus.

Psalmus i.

IN Dómino confido : quómo do dicitis animæ meæ : * Tránsmigra in montem sicut passer?

Quóniam ecce peccátore[s] intendérunt arcum, paravérunt sagittas suas in pháretra, * ut sagittent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cœlo sedes ejus :

Oculi ejus in páuperem respiciunt : * pálpebræ ejus intérogant filios hóminum.

Dóminus intérogat justum et ípium : * qui autem diligit iniquitatem, odit animam suam.

Pluet super peccátore[s] láqueos : * ignis, et sulphur, et spíritus procellárum pars cálicis eórum.

Quóniam justus Dóminus et justítias diléxit : * aequitatem vidit vultus ejus.

Añã. Gábriel Archángelus locútus est Mariæ dicens : Ecce concípies in útero et páries Fílium et vocábis nomen ejus Jesum.

Añã. Benedicite Deum cœli.

Psalmus xiv.

Domine quis habitabit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam :

Qui lóquitur veritatem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus : * tíméntes autem Dóminum gloríficat :

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit :

Qui facit hæc, * non móvebitur in ætérnum.

Añã. Benedicite Deum cœli, dixit Angelus Rá-

phael, et coram ómnibus vivéntibus confitémini ei, quia fecit vobiscum misericórdiam suam.

V. Stetit Angelus juxta aram templi. **R.** Habens thuríbulum áureum in manu sua.

Lectiones de Scriptura occurrente, cum RR. ut infra.

In Quadragesima vero et Feria ij. Rogationum dicuntur sequentes Lectiones.

De libro Exodi.

Lectio j. Cap. xxij. d



Cceegomittam Angelum meum, qui præcedat te, et custódiat in via, et introductat in locum quem parávi. Obsérva eum, et audi vocem ejus, nec contemnendum putes : quia non dimittet cum peccáveris, et est nomen meum in illo. Quod si audieris vocem ejus, et féceris ómnia quæ loquor, inimicus ero inimicis tuis, et affligam affligentes te. Præcedétque te Angelus meus.

R. Venit Michael Archángelus cum multitudine Angelórum, cui tradidit Deus ánimas sanctórum, * Ut perdúcat eas in paradísium exsultatiónis.

V. Emitte Dómine Spiritum sanctum tuum de cœlis, spiritum sapiéntiæ et intelléctus. — Ut.

Ex Zacharía Prophéta.

Lectio ij. Cap. j. b

FActum est verbum Dómini ad Zachariam, filium Barachíæ, filii Addo, Prophétam, dicens : Vidi per noctem, et ecce vir ascéndens super equum rufum, et ipse stabat inter myrtéta, quæ erant in profundo : et post eum equi rufi, várii et albi. Et dixi : Quid sunt isti, Dómine mi? Et dixit ad me Angelus, qui loquebatur in me : Ego osténdam tibi quid sint hæc. Et respóndit vir, qui stabat inter myrtéta, et dixit : Isti sunt, quos misit Dóminus ut perambulént terram. Et responderunt Angelo Dómini, qui stabat inter myrtéta, et dixerunt : Perambulávimus terram, et ecce omnis terra habitátur, et quiéscit.

R. Respóndit Angelus Dómini et dixit : Dómine exercítuum, * Usquequo tu non miseréberis Jerúsalem et úrbium Juda, quibus irátus es? **V.** Iste enim septuagésimus annus est. — Usquequo.

Lectio iij. Cap. ij.

ET levávi oculos meos, et vidi : et ecce vir, et in manu ejus funículus mensórum. Et dixi : Quo tu vadis? et dixit ad me : Ut métiar Jerúsalem, et videam quanta sit latitúdo ejus, et quanta longitúdo ejus. Et ecce Angelus, qui loquebatur in me, egrediebatur, et Angelus álius egrediebatur in occursum ejus. Et dixit ad eum : Curre, loquere ad púerum istum, dicens : Absque muro habitábitur Jerúsalem præ multitudíne hóminum, et jumentórum in médio ejus. Et ego ero ei, ait Dóminus, murus ignis in circúitu, et in glória ero in médio ejus.

R. In conspéctu Génitium nolíte timére : vos enim in córdibus vestris adoráte et timéte Dóminum : * Angelus enim ejus vobiscum est. **V.** Stetit Angelus juxta aram templi, habens thuríbulum áureum in manu sua. — Angelus. **Glória Patri. Angelus.**

In II. Nocturno.

Añã. Ascéndit fumus.

Temp. Pasch. Añã. Immittet Angelus Dómini.

Psalmus psij.



Geli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti índicat sciéntiam.

Non sunt loquelæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernaculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cœlo egressio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta convértens ánimas : * testimónium Dómini fidèle, sapiéntiam præstans parvulis.

Justítiæ Dómini rectæ, lætificántes corda : * præcéptum Dómini lúcidum, illúminans oculos.

Timor Dómini sanctus, pérmanens in sæculum sæculi : * judícia Dómini vera, justificáta in semetipsa.

Desiderabilia super aurum et lapidem pretiosum multum : * et dulciora super mel et favum.

Etenim servus tuus custodit ea, * in custodiendis illis retributio multa.

Delicta quis intelligit? ab occultis meis munda me : * et ab alienis parce servo tuo.

Si mei non fuerint dominati, tunc immaculatus ero : * et emundabor a delicto maximo.

Et erunt ut complacent eloquia oris mei : * et meditatio cordis mei in conspectu tuo semper.

Domine adjutor meus, * et redemptor meus.

Añã. Ascendit fumus aromaticum in conspectu Domini de manu Angeli.

Añã. Immittet Angelus Domini.

Psalmus cxxij.

Domini est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina preparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non

accepit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salutari suo.

Hæc est generatio querentium eum, * querentium faciem Dei Jacob.

Attollite portas principes vestras, et elevamini portæ æternales : * et introibit Rex gloriæ.

Quis est iste Rex gloriæ? * Dominus fortis et potens : Dominus potens in prælio.

Attollite portas principes vestras, et elevamini portæ æternales : * et introibit Rex gloriæ.

Quis est iste Rex gloriæ? * Dominus virtutum ipse est Rex gloriæ.

Añã. Immittet Angelus Domini in circuitu timentium eum, et eripiet eos.

Añã. Laudemus Dñm.

Psalmus cxxij.

Benedicam Dominum in omni tempore : * semper laus ejus in ore meo.

In Domino laudabitur anima mea : * audiant mansueti, et lætentur.

Magnificate Dominum mecum : * et exaltemus nomen ejus in idipsum.

Exquisivi Dominum, et exaudivit me : * et ex omnibus tribulationibus meis eripuit me.

Accedite ad eum, et illuminamini : * et facies vestrae non confundentur.

Iste pauper clamavit, et Dominus exaudivit eum : * et de omnibus tribulationibus ejus salvavit eum.

Immittet Angelus Domini in circuitu timentium eum : * et eripiet eos.

Gustate, et videte quoniam suavis est Dominus : * beatus vir, qui sperat in eo.

Time Domini omnes sancti ejus : * quoniam non est inopia timentibus eum.

Divites eguerunt et esurierunt : * inquirentes autem Dominum non minuuntur omni bono.

Venite filii, audite me : * timorem Domini docebo vos.

Quis est homo qui vult vitam : * diligit dies videre bonos?

Prohibe linguam tuam a malo : * et labia tua ne loquantur dolum.

Diverte a malo, et fac bonum : * inquire pacem, et persequere eam.

Oculi Domini super ju-

stos : * et aures ejus in preces eorum.

Vultus autem Domini super facientes mala : * ut perdat de terra memoriam eorum.

Clamaverunt justii, et Dominus exaudivit eos : * et ex omnibus tribulationibus eorum liberavit eos.

Juxta est Dominus iis, qui tribulato sunt corde : * et humiles spiritu salvabit.

Multæ tribulationes justorum : * et de omnibus his liberabit eos Dominus.

Custodit Dominus omnia ossa eorum : * unum ex his non conteretur.

Mors peccatorum pessima : * et qui oderunt justum delinquent.

Rédimet Dominus animas servorum suorum : * et non delinquent omnes qui sperant in eo.

Añã. Laudemus Dominum, quem laudant Angeli, quem Cherubim et Seraphim, sanctus, sanctus, sanctus proclamant.

Temp. Pasch. Añã. Immittet Angelus Domini in circuitu timentium eum, et eripiet eos, alleluia.

℟. Ascendit fumus aromaticum in conspectu Domini. **℞.** De manu Angeli.

De Sermóne sancti Gregórii Papæ.

Ex Homil. xxxiv. in Evang.

Lectio iv.



Uia Angelórum nómina interpretándo perstrínximus, súperest, ut ipsa officiórum vocábula bréuiter exsequámur. Virtútes etenim vocántur illi nimirum spíritus, per quos signa et mirácula frequéntius fiunt. Potestátes étiam vocántur hi, qui hoc poténtius céteris in suo órdine percépérunt, ut eórum ditióni virtútes advérsæ subjéctæ sint, quorum potestáte refrenántur, nec corda hóminum tantum tentáre præváleant, quantum volunt.

✠. Omnes Angeli stabant in circúitu throni, et seniórurum, et quátuor animálium : * Et cecidérunt in conspéctu throni in fácies suas, et adoravérunt Deum. ✎. Adoráte Dóminum omnes Angeli ejus. — Et.

Lectio v.

Principátus étiam vocántur, qui ipsis quoque bonis Angelórum spíritibus præsumt, qui subjéctis állis dum quæque sunt agénda dispónunt, eis ad

explénda divína ministéria principántur. Dominatiónes autem vocántur, qui étiam potestátes principátuum dissimilitúdine alta transcéndunt. Nam principári est inter reliquos priórem exsistere : dominári vero est étiam subjéctos quosque possidére. Throni quoque illa ágmina sunt vocáta, quibus ad exercénda judícia semper Deus omnipotens præsidet. Unde et per Psalmístam dicitur : Sedes super thronum, qui júdicas æquitátem.

✠. Stetit Angelus juxta aram templi, habens thuríbulum áureum in manu sua, et data sunt ei incénsa multa : * Et ascendit fumus arómatum de manu Angeli in conspéctu Dómini. ✎. In conspéctu Angelórum psallam tibi : adorábo ad templum sanctum tuum, et confitébor nómini tuo Dómine. — Et.

Lectio vij.

Chérubim quoque plenitúdo sciéntiæ dicitur ; et sublimióra illa ágmina idcirco Chérubim vocáta sunt, quia tanto perfectióri sciéntia plena sunt, quanto claritátem Dei vicínus contemplán-

tur. Séraphim étiam vocántur illa spírituum sanctórum ágmina, quæ ex singulári propinquitáte Conditóris sui incomparábili ardent amóre. Séraphim namque ardéntes vel incendéntes vocántur ; quorum profécto flamma amor est : quia quo subtilius claritátem divinitátis ejus aspiciunt, eo validius in ejus amóre flamméscunt.

✠. In conspéctu Angelórum psallam tibi, et adorábo ad templum sanctum tuum : * Et confitébor nómini tuo Dómine. ✎. Super misericórdia tua et veritáte tua : quóniam magnificásti super nos nomen sanctum tuum. — Et. Glória Patri. Et.

In III. Nocturno.

Añã. Misit Dóminus.

Psalmus vrb.



Cantáte Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabilia ejus.

Quóniam magnus Dómi-

nus, et laudábilis nimis : * terríbilis est super omnes deos.

Quóniam omnes dii Géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino pátria Géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsta terra : * dicite in Géntibus quia Dóminus regnávít.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Añã. Misit Dóminus Angelum suum, qui percussit omnem virum robústum, et bellatórem, et príncipem exercitus regis Assyriórum.

Añã. Adoráte Dóminum.

Psalmus cxxij.

Dominus regnávít, exsúltet terra : * lætén-
tur ínsulæ multæ.

Nubes, et caligo in circúiti ejus : * justítia, et júdicium corrèctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt coeli justítiam ejus : * et vidérunt omnes pópuli glóriam ejus.

Confundántur omnes, qui adoránt sculptília : * et qui gloriántur in simulácris suis.

Adoráte eum omnes Angeli ejus : * audívit, et lætáta est Sion.

Et exsultavérunt filíæ Judæ, * propter júdicia tua Dómine :

Quóniam tu Dóminus altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino : * et confitémini memóriæ sanctificatiónis ejus.

Añã. Adoráte Dóminum omnes Angeli ejus : audívit, et lætáta est Sion.

Añã. Benedícite Dómino.

Psalmus cij.

Benedic ánima mea Dómino : * et ómnia, quæ intra me sunt, nómini sancto ejus :

Benedic ánima mea Dómino : * et noli oblivisci omnes retributiónes ejus :

Qui propitiátur ómnibus iniquitatibus tuis : * qui sanat omnes infirmitates tuas.

Qui rédimít de intéritu vitam tuam : * qui coronát te in misericórdia et miseratióne.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et júdicium ómnibus injúriam paténtibus.

Notas fecit vias suas Móysi, * filiis Israel voluntates suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccata nostra fecit nobis : * neque secúndum iniquitates nostras retribuit nobis.

Quóniam secúndum altitúdinem coeli a terra : * corrobórávit misericórdiam suam super timéntes se.

Quantum distat Ortus ab Occidén-te : * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflórebít.

Quóniam spíritus pertransíbit in illo, et non subsístet : * et non cognó-

scet ámplius locum suum. Misericórdia autem Dómini ab ætérno, * et usque in ætérnum super timéntes eum.

Et justítia illíus in filios filiórum, * his qui servant testaméntum ejus :

Et mémores sunt mandatórum ipsíus, * ad faciéndum ea.

Dóminus in coelo parávit sedem suam : * et regnum ipsíus ómnibus dominábitur.

Benedícite Dómino omnes Angeli ejus : * poténtes virtúte, faciéntes verbum illíus, ad audiéndam vocem sermónum ejus.

Benedícite Dómino omnes virtútes ejus : * ministri ejus, qui fáctis voluntátem ejus.

Benedícite Dómino ómnia ópera ejus : * in omni loco dominatiónis ejus, benedic ánima mea Dómino.

Añã. Benedícite Dómino omnes Angeli ejus, poténtes virtúte, faciéntes verbum illíus ad audiéndam vocem sermónum ejus.

V. In conspéctu Angelórum psallam tibi Deus meus. **R.** Adorábo ad templum sanctum tuum, et confitébor nómini tuo.

Lectio sancti Evangelii secundum Joannem.

Lectio vij. Cap. j.

IN illo tempore: Vidit Jesus Nathanael venientem ad se, et dicit de eo: Ecce vere Israelita, in quo dolus non est. Et reliqua.

Homilia sancti Bernardi Abbatis. **In Psalm. Qui habitat. Sermon. xj.**

UÆ vero sunt sanctorum Angelorum viae? Profecto illae, quas Unigenitus enarravit, dicens: Videbitis Angelos ascendentes et descendentes super Filium hominis. Ascensio igitur et descensio viae illorum; ascensio propter se, descensio, vel potius condescensio propter nos. Sic beati illi spiritus ascendunt per contemplationem Dei, descendunt per compassionem tui, ut custodiant te in omnibus viis tuis. Ascendunt ad vultum ejus, descendunt ad nutum ejus: Quoniam Angelis suis mandavit de te. Nec tamen vel descendendo visione gloriae fraudantur, quia semper vident faciem Patris.

R. Angelus Domini descendit cum Azaria et so-

ciis ejus in fornacem, et excussit flammam ignis de fornace: * Et non tetigit eos omnino ignis, neque contristavit. **V.** Benedictus Deus eorum, qui misit Angelum suum, et eruit servos suos, qui crediderunt in eum. — Et non tetigit.

Lectio vij.

CUM ascendant ad contemplationem, inquirunt veritatem, de qua et desiderando satiantur, et satiando desiderant. Cum vero descendunt, faciunt nobiscum misericordiam, ut custodiant nos in omnibus viis nostris. Administratores enim spiritus sunt, missi in ministerium propter nos. Plane ministri nostri, non domini nostri. Et in hoc Unigeniti formam imitantur, qui non venit ministrari, sed ministrare, qui stetit inter discipulos tamquam qui ministrat. Fructus angelicarum viarum, quod ad ipsos spectat, sua ipsorum beatitudo, et obedientia est caritatis: quod autem ad nos pertinet, inde quidem obtentus divinae gratiae, hinc vero custodia viae nostrae: si quidem Angelis suis mandavit de te, ut

custodiant te in omnibus indigentis tuis.

R. Tu Domine, qui misisti Angelum tuum sub Ezechia rege Juda, et interfecisti de castris Sennacherib centum octoginta quinque millia: * Et nunc Dominator caelorum mitte Angelum tuum bonum ante nos, in timore et tremore magnitudinis brachii tui. **V.** Ut metuant qui cum blasphemia veniunt adversus sanctum populum tuum. — Et nunc. Gloria Patri. Et nunc.

Lectio ix. de Homilia Feriae in Quadrag. vel de Festo simplici si occurrat; alias:

Lectio ij.

Interim ergo mandavit Angelis suis Deus, non quidem ut amoveant te a viis tuis, sed in eis ipsis te custodiant, et quasi per vias suas, vias tuas dirigant in vias ipsius. Quoniam modo, inquis? Nempe ut quod Angelus ex sola caritate purius agit, ut propria saltem necessitate compulsus et admonitus, descendas, et condescendas; exhibere scilicet proximo misericordiam: et rursum cum eodem Angelo levans desideria tua, to-

ta animi cupiditate ascendere studeas ad summam et perpetuam Veritatem. Hinc enim monemur levare corda nostra cum manibus; hinc audimus quotidie: Sursum corda. Hinc quoque negligentes arguimur, et dicitur nobis: Filii hominum, usquequo gravi corde? ut quid diligitis vanitatem et quaeritis mendacium? Exoneratum enim cor et leve levatur magis, ut quaerat et diligat veritatem.

Te Deum. 20.

AD LAUDES,

et per Horas, Añae.

1. Angeli Domini * Dominum benedicite in aeternum.

Psalmi de Dominica. 21.

2. Angelis suis * Deus mandavit de te, ut custodiant te in omnibus viis tuis.

3. Angeli eorum * semper vident faciem Patris mei, qui est in caelis.

4. Laudate Deum * omnes Angeli ejus, laudate eum omnes virtutes ejus.

5. Angeli, Archangeli, * Throni et Dominationes, Principatus et Potestates, Virtutes caelorum, laudate Dominum de caelis.

Capitulum. Exodi xxiiij. d
Ecce ego mittam Angelum meum, qui præcedat te, et custodiat in via, et introducat in locum quem paravi. Observa eun, et audi vocem ejus.

Hymnus.

Christe, sanctorum deus Angelorum,
 Gentis humane Sator, et Redemptor,
 Cœlitum nobis tribuas beatas

Scandere sedes.

Angelus pacis Michael in ædes
 Cœlitus nostras veniat, serenæ
 Auctor ut pacis lacrymosa in orcum
 Bella releget.

Angelus fortis Gabriel, ut hostes
 Pellat antiquos, et amica cœlo,
 Quæ triumphator statuit per orbem,
 Tempora revisat.

Angelus nostræ medicus salutis
 Adsit e cœlo Raphael, ut omnes
 Sanet ægròtos, dubiosque vitæ

Dirigat actus.

Virgo dux pacis, Genitrixque lucis,

Et sacer nobis chorus Angelorum
 Semper assistat, simul et micantis
 Regia cœli.

Præstet hoc nobis Deitas beata
 Patris, ac Nati, pariterque sancti
 Spiritus, cujus resonat per omnem
 Glória mundum.

Amen.

¶ In conspectu Angelorum psallam tibi Deus meus. **R.** Adorabo ad templum sanctum tuum, et confitebor nomini tuo.

Ad Benedictus. Añã. Angelus, qui loquebatur * in me, suscitavit me, quasi virum qui suscitatur a somno suo.

Oratio.

Deus, qui miro ordine Angelorum ministeria hominumque dispensas : concede propitius, ut a quibus tibi ministrantibus in cœlo semper assistitur, ab his in terra vita nostra muniat. Per Dominum.

AD TERTIAM.

Capitulum. Ecce ego. ut supra.

R. breve. Stetit Angelus, * Juxta aram templi. Stetit. ¶ Habens thuribulum

aurum in manu sua. Juxta. Glória Patri. Stetit. ¶ Ascendit fumus aromatatum in conspectu Domini. **R.** De manu Angeli.

Tempore Paschali.

R. br. Stetit Angelus juxta aram templi, * Alleluia, alleluia. Stetit. ¶ Habens thuribulum aureum in manu sua. Alleluia, alleluia. Glória Patri. Stetit.

¶ Ascendit fumus aromatatum in conspectu Domini, alleluia. **R.** De manu Angeli, alleluia.

AD SEXTAM.

Capitulum. Apoc. v. c

Audivi vocem Angelorum multorum in circuitu throni, et animalium, et seniorum : et erat numerus eorum millia millium, voce magna dicentium : Salus Deo nostro.

R. br. Ascendit fumus aromatatum, * In conspectu Domini. Ascendit. ¶ De manu Angeli. In conspectu. Glória Patri. Ascendit.

¶ In conspectu Angelorum psallam tibi Deus meus. **R.** Adorabo ad templum sanctum tuum, et confitebor nomini tuo.

Tempore Paschali.

R. br. Ascendit fumus aromatatum in conspectu Domini, * Alleluia, alle-

luia. Ascendit. ¶ De manu Angeli. Alleluia, alleluia. Glória Patri. Ascendit.

¶ In conspectu Angelorum psallam tibi Deus meus, alleluia. **R.** Adorabo ad templum sanctum tuum, et confitebor nomini tuo, alleluia.

AD NONAM.

Capitulum. Apoc. xij. b

Factum est prœlium magnum in cœlo : Michael et Angeli ejus proeliabantur cum dracône, et draco pugnabat, et angeli ejus : et non prevaluerunt, neque locus inventus est eorum amplius in cœlo.

R. br. In conspectu Angelorum, * Psallam tibi Deus meus. In conspectu. ¶ Adorabo ad templum sanctum tuum, et confitebor nomini tuo. Psallam tibi. Glória. In conspectu. ¶ Adorate Deum. **R.** Omnes Angeli ejus.

Tempore Paschali.

R. br. In conspectu Angelorum psallam tibi Deus meus, * Alleluia, alleluia. In conspectu. ¶ Adorabo ad templum sanctum tuum, et confitebor nomini tuo. Alleluia, alleluia. Glória Patri. In conspectu.

¶ Adorate Deum, alle-